

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1369/19  
Sarajevo, 18.7.2019. godine

**Z A P I S N I K**  
**2. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane**  
**18. jula 2019. godine**

Sjednica je počela u 13.29.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike boračkih udruženja, predstavnike Vlade Federacije te predstavnike medija.

Izostanak sa sjednice najavili su: Nikica Bosnić, Slađan Ilić, Mladen Simić, Mirela Trepanić, Zdravko Bešlić i Jasenko Tufekčić.

Predsjedavajući je obavijestio delegate da je delegat Hajrudin Halilović podnio ostavku na delegatsku dužnost te da je u Centralnoj izbornoj komisiji u toku postupak njegove zamjene.

Prema evidenciji Stručne službe, sjednici prisustvuje 51 delegat što čini većinu pa Dom naroda može raditi i punovažno odlučivati.

Prije prelaska na rad predsjedavajući je pozvao delegate da usvoje Zapisnik 1. Vanredne sjednice Doma naroda i Zapisnik 1. sjednice Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine bez primjedbi, sa 42 glasa za, dva uzdržana glasa i jednim glasom protiv usvojio Zapisnik 1. vanredne sjednice Doma naroda Parlamenta Federacije Bosne i Hercegovine održane 16. maja 2019. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine bez primjedbi, sa 43 glasa za, jednim uzdržanim glasom i jednim glasom protiv usvojio Zapisnik 1. sjednice Doma naroda Parlamenta Federacije Bosne i Hercegovine održane 1. aprila 2019. godine.

Potom je predsjedavajući podsjetio delegate da na osnovu člana 109. Poslovnika o radu Doma naroda Parlamenta Federacije Bosne i Hercegovine ukoliko žele mogu postavljati delegatska pitanja ili pokretati inicijative.

### **Delegatska pitanja i inicijative**

**Damir Džeba** je postavio pitanje Vijeću ministara Bosne i Hercegovine. Interesuje ga kakav je stav Vijeća ministara po pitanju izjava ministrice za ljudska prava i izbjeglice Bosne i Hercegovine Semihe Borovac o mogućem donošenju odluke i najave smještaja porodica pripadnika terorističke organizacije islamska država na lokalitetu readmisijskog centra Salakovac kod Mostara.

**Ljubinka Atanasijević** je uputila dva pitanja Vladi Federacije.

Prvo pitanje glasi: U kojoj fazi je izgradnja brze ceste Lašva-Travnik, šta se desilo sa sredstvima ruskog klirinškog duga, dokle se došlo sa projektom, otkupom zemljišta i ugovorima sa izvođačima radova?

Drugo pitanje glasi: Za kada je pomaknut rok završetka radova na rekonstrukciji tunela Vranduk, koliko je do sada nagomilano i koliko će se nagomilati sredstava po osnovu penala za kašnjenje završetka radova i ko će da odgovara za nastalo saobraćajno maligno stanje u tom kraju?

**Boris Krešić** je postavio pitanje federalnom ministarstvu finansija, a koje glasi: zašto prilikom odlučivanja o žalbama na rješenje Porezne uprave o pravu na lični odbitak građani čekaju godinu ili dvije kada je po zakonskim propisima Ministarstvo dužno odgovoriti u roku od 30 dana, zašto se krše zakonski propisi i ko u federalnom ministarstvu finansija odgovara za nepostupanje prema građana?

**Vibor Handžić** je postavio pitanje i pokrenuo dvije inicijative.

Upit je postavio gradovima Tuzla, Zenica, Široki Brijeg, Bihać, Livno, Cazin i Goražde, a kojim traži da mu navedene jedinice lokalne samouprave dostave uporedni pregled prikupljenih sredstava po evropskim fondovima u periodu kada su bili opština i od momenta proglašenja gradovima.

Prvu inicijativu je uputio rukovodstvu Doma naroda kojom traži prisustvo predstavnika delegata iz reda Ostalih sjednicama Kolegija Doma naroda.

Drugom inicijativom je zatražio da Dom naroda razmatra Nacrt zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti, kojeg je Predstavnički dom prihvatio na sjednici održanoj 23. februara 2016. godine.

**Zvonko Marić** je postavio dva pitanja premijeru Federacije Fadilu Novaliću. Interesuje ga na koji način Vlada Federacije sinhronizuje

aktivnosti oko izgradnje "južne interkonekcije", da li se u tom smislu vode pregovori i da li su se dobile ikakve garancije vezane za izgradnju.

Drugo pitanje je vezano za izgradnju Bloka 7 TE Tuzla, a odnosi se na informaciju da su određena pravna lica dobila pripreme radove na izgradnji Bloka 7 bez saglasnosti Parlamenta Federacije. Upitao je da li je to tačno i da li Vlada Federacije može preispitati tu mogućnost?

**Jasmin Duvnjak** je pokrenuo jednu inicijativu i postavio nekoliko pitanja. Inicijativa se odnosi na usklađivanje Pravilnika o uslovima koje moraju ispunjavati bolnice za dodjelu naziva univerzitetska bolnica sa odredbama Zakona o zdravstvenoj zaštiti.

Postavio je pitanje Ministarstvu sigurnosti Bosne i Hercegovine, Federalnom ministarstvu unutrašnjih poslova i Ministarstvu unutrašnjih poslova Republike Srpske u vezi kretanja, pozicioniranja i zbrinjavanja migranata u Bosni Hercegovini, a u kontekstu izjava člana Predsjedništva Bosne i Hercegovine, Milorada Dodika, koji ne želi da migranti prelaze niti da se smještaju na teritoriji Republike Srpske.

Također, postavio je pitanje i nadležnim pravosudnim institucijama u Bosni Hercegovini da li je u proteklih pet godina bilo podignutih optužnica, da li je neko procesuiran i da li se desila ijedna pravosnažna presuda u vezi počinjenja krivičnog djela iz člana 163. stav 5. Krivičnog zakona Federacije Bosne i Hercegovine (Izazivanje narodnosne, rasne i vjerske mržnje, razdora ili netrpeljivosti), a koji se odnosi na svako negiranje genocida i drugih zločina protiv čovječnosti?

**Goran Broćeta** je postavio pitanje premijeru Federacije Fadilu Novaliću i federalnoj ministrici finansija Jelki Milićević. Upitao je da li u skorije vrijeme opštine Drvar, Glamoč i Bosansko Grahovo mogu očekivati ikakvu pomoć te zatražio da premijer ili ministrica barem prime načelnike ovih opština kako bi im ukazali na problem sa kojima se susreću korisnici lokalnih budžeta i građani navedenih opština.

**Dragan Stevanović** je uputio inicijativu Kolegiju Doma naroda kojom je zatražio da ubuduće Dom naroda ne razmatra planske finansijske dokumente Federalnog zavoda zdravstvenog osiguranja i Federalnog fonda solidarnosti dok se prethodno ne razmotre izvještaji o radu i finansijski izvještaji navedenih institucija za prethodnu godinu.

**Aner Žuljević** je zatražio informaciju od Federalnog ministarstva okoliša i turizma da li postojeće stanje na deponiji smeća Uborak kod Mostara zadovoljava uslove vezane za okolinsku dozvolu. Zatražio je da mu se dostave svi nalazi inspekcije od pojave ovog problema i zamolio Vladu Federacije da se uključi kako bi se utvrdile stvarne činjenice.

Zatražio je, ako je tačna informacija - da je NOS dostavio mišljenje DERK-u u kojem stoji da gašenje "Aluminija" ima određene efekte na stabilnost elektroenergetskog sistema, da mu se isto dostavi.

**Tomislav Mandić** je uputio inicijativu Vladi Federacije kojom se traži pokretanje postupka restrukturiranja, dokapitalizacije i unaprijeđenja poslovanja, ponovo pokretanje proizvodnje te utvrđivanje odgovornosti za nezakonitosti u Auminij d.d. Mostar.

**Isak Ramo** je zatražio da se delegatima dostavi šta je to delegatsko pitanje, a šta delegatska inicijativa i na koji način se postavljaju.

Postavio je pitanje Federalnoj upravi za inspekcijske poslove. Upitao je ko daje instrukcije kako će da radi Federalna inspekcija.

Potom se prešlo na utvrđivanje dnevnog reda.

Predsjedavajući je obavijestio delegate da Kolegij Doma naroda predlaže da se u prijedlog dnevnog reda 2. sjednice Doma naroda uvrste sljedeće tačke: Prijedlog zakona o izmjenama i dopuni Zakona o električnoj energiji u Federaciji Bosne i Hercegovine – hitni postupak, Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini – skraćeni postupak, Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica i Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. godinu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za, osam uzdržanih glasova i jednim glasom protiv, prihvatio ovaj prijedlog Kolegija Doma naroda.

Predsjedavajući je podsjetio da je Vlada Federacije dostavila sljedeće prijedloge zakona s prijedlogom da se razmatraju po hitnom postupku: Prijedlog odluke o izmjenama i dopunama Budžeta Federacije Bosne i Hercegovine za 2019. godinu, Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu, Prijedlog zakona o pravima demobiliziranih branilaca i članova njihovih porodica i Prijedlog zakona o izmjenama i dopuni Zakona o električnoj energiji u Federaciji Bosne i Hercegovine.

Zatim je pozvao delegate da se na osnovu člana 188. Poslovnika o radu Doma naroda izjasne da li će ove prijedloge zakona razmatrati po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, sedam uzdržanih glasova i 11 glasova protiv, prihvatio da se Prijedlog odluke o izmjenama i dopunama Budžeta Federacije Bosne i Hercegovine za 2019. godinu razmatra po hitnom postupku.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine sa 29 glasova za, devet uzdržanih glasova i 11 glasova protiv nije prihvatio prijedlog da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu razmatra po hitnom postupku.

S obzirom da je potpredsjedavajući Doma naroda Aljoša Čampara izrazio sumnju u rezultate glasanja, sekretar Doma naroda Izmir Hadživdić, nakon pauze koju je zatražio predsjednik Kluba delegata bošnjačkog naroda Jasmin Duvnjak, izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za, 11 uzdržanih glasova i osam glasova protiv, prihvatio da se Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu razmatra po hitnom postupku.

Potpredsjedavajući Doma naroda Aljoša Čampara je upitao sekretara Doma naroda da pojasni šta predstavlja većinu u situaciji kada Dom naroda nema verifikovanih 58 delegata.

Sekretar Doma naroda Izmir Hadživdić je podsjetio na odredbe čl. 110. i 260. Poslovnika o radu Doma naroda koje daju odgovor na ovo pitanje.

Nakon toga nastavilo se sa utvrđivanjem dnevnog reda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 40 glasova za, pet uzdržanih glasova i tri glasa protiv, prihvatio da se Prijedlog zakona o pravima demobiliziranih branilaca i članova njihovih porodica razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 36 glasova za, devet uzdržanih glasova i četiri glasa protiv, prihvatio da se Prijedlog zakona o izmjenama i dopuni Zakona o električnoj energiji u Federaciji Bosne i Hercegovine razmatra po hitnom postupku.

Također, Vlada Federacije je dostavila i Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini s prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za, devet uzdržanih glasova i dva glasa protiv, prihvatio da se Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini razmatra po skraćenom postupku.

Zatim je predsjedavajući stavio na glasanje i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine sa 33 glasa za, 11 uzdržanih glasova i jednim glasom protiv, usvojio sljedeći:

#### **DNEVNI RED:**

1. Verificiranje mandata delegatu u Domu naroda Parlamenta Federacije Bosne i Hercegovine,
2. Prijedlozi zaključaka koji proizilaze iz presuda Ustavnog suda Federacije Bosne i Hercegovine, br.: U-22/16 od 6.3.2019. godine, U-31/18 od 26.3.2019. godine, U-24/18 od 7.5.2019. godine, U-5/18 od 7.5.2019. godine, U-35/18 od 28.5.2019. godine, U-34/18 od 28.5.2019. godine, U-27/18 od 7.5.2019. godine i U-6/19 od 28.5.2019. godine,
3. Prijedlog odluke o izmjenama i dopunama Budžeta Federacije Bosne i Hercegovine za 2019. godinu - hitni postupak,
4. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu - hitni postupak,

5. Prijedlog zakona o pravima demobiliziranih branilaca i članova njihovih porodica - hitni postupak,
6. Prijedlog zakona o izmjenama i dopuni Zakona o električnoj energiji u Federaciji Bosne i Hercegovine – hitni postupak,
7. Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini – skraćeni postupak,
8. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica,
9. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. godinu.

## **1. Verificiranje mandata delegatu u Domu naroda Parlamenta Federacije Bosne i Hercegovine**

Centralna izborna komisija obavijestila je Dom naroda da je prestao mandat delegatu Samiru Suljeviću iz ličnih razloga te da je dodijeljen mandat sljedećem kvalificiranom kandidatu Elmedinu Konakoviću iz reda bošnjačkog naroda.

Privremena mandatno-imunitetska komisija je održala sjednicu i dostavila svoj izvještaj.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 43 glasa za i

jednim uzdržanim glasom usvojio izvještaj Privremene mandatno-imunitetske komisije i time verificirao mandat delegatu u Domu naroda Parlamenta Federacije Bosne i Hercegovine, Elmedinu Konakoviću, te je novoizabrani delegat dao zakletvu.

**2. Prijedlozi zaključaka koji proizilaze iz presuda Ustavnog suda Federacije Bosne i Hercegovine, br.: U-22/16 od 6.3.2019. godine, U-31/18 od 26.3.2019. godine, U-24/18 od 7.5.2019. godine, U-5/18 od 7.5.2019. godine, U-35/18 od 28.5.2019. godine, U-34/18 od 28.5.2019. godine, U-27/18 od 7.5.2019. godine i U-6/19 od 28.5.2019. godine**

Predsjedavajući je obavijestio delegate da je Ustavni sud Federacije Parlamentu Federacije dostavio presude br.: U-22/16 od 6.3.2019. godine, U-31/18 od 26.3.2019. godine, U-24/18 od 7.5.2019. godine, U-5/18 od 7.5.2019. godine, U-35/18 od 28.5.2019. godine, U-34/18 od 28.5.2019. godine, U-27/18 od 7.5.2019. godine i U-6/19 od 28.5.2019. godine kojima je utvrđeno da određeni propisi nisu u skladu sa Ustavom Federacije Bosne i Hercegovine.

Presude su dostavljene nadležnim radnim tijelima.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 32 glasa za i četiri uzdržana glasa usvojio sljedeći

## **ZAKLJUČAK**

Zadužuje se premijer Federacije Bosne i Hercegovine da, u skladu sa obavezama iz Ustava Federacije Bosne i Hercegovine, osigura izvršenje presuda Ustavnog suda Federacije Bosne i Hercegovine br.: U-22/16 od 6.3.2019. godine, U-31/18 od 26.3.2019. godine, U-24/18 od 7.5.2019. godine, U-5/18 od 7.5.2019. godine, U-35/18 od 28.5.2019. godine, U-34/18 od 28.5.2019. godine, U-27/18 od 7.5.2019. godine i U-6/19 od 28.5.2019. godine.



### **3. Prijedlog odluke o izmjenama i dopunama Budžeta Federacije Bosne i Hercegovine za 2019. godinu - hitni postupak**

Prijedlog odluke o izmjenama i dopunama Budžeta Federacije Bosne i Hercegovine za 2019. godinu utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 4. Vanrednoj sjednici održanoj 16. jula 2019. godine usvojio Prijedlog odluke o izmjenama i dopunama Budžeta Federacije Bosne i Hercegovine za 2019. godinu u tekstu kako ju je predložila Vlada Federacije. Tom prilikom usvojen je i zaključak.

Prijedlog odluke su razmatrala nadležna radna tijela i dostavila svoje izvještaje.

Prijedlog odluke o izmjenama i dopunama Budžeta Federacije Bosne i Hercegovine za 2019. godinu obrazložio je premijer Federacije Bosne i Hercegovine Fadil Novalić.

Izveštaj Privremenog odbora za ekonomsku i razvojnu politiku, finansije i budžet obrazložio je Aljoša Čampara.

U raspravi su učestvovali: Zvonko Marić, Damir Marjanović, Elmedin Konaković, Aner Žuljević, Fadil Novalić, Igor Stojanović, Aljoša Čampara, Tomislav Martinović i Senad Čeljo.

Nakon rasprave predsjedavajući je dao pauzu.

Poslije pauze predsjedavajući je stavio na glasanje Prijedlog odluke o izmjenama i dopunama Budžeta Federacije Bosne i Hercegovine za 2019. godinu.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog odluke o izmjenama i dopunama Budžeta Federacije Bosne i Hercegovine za 2019. godinu jer je za glasalo 28 delegata, tri delegata su bila uzdržana a devet delegata je bilo protiv.

S obzirom da je predsjednik Kluba delegata bošnjačkog naroda Jasmin Duvnjak izrazio sumnju u rezultate glasanja, sekretar Doma naroda Izmir Hadžiavdić je na osnovu člana 113. Poslovnika o radu Doma naroda izvršio poimenično izjašnjavanje.

Na osnovu rezultata poimeničnog izjašnjavanja predsjedavajući Doma naroda je konstatovao da je Dom naroda Parlamenta Federacije

Bosne i Hercegovine sa 31 glasom za, šest uzdržanih glasova i osam glasova protiv usvojio Prijedlog odluke o izmjenama i dopunama Budžeta Federacije Bosne i Hercegovine za 2019. godinu.

#### **4. Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu - hitni postupak**

Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu utvrdila je i u parlamentarnu proceduru dostavila Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 4. Vanrednoj sjednici održanoj 16. jula 2019. godine usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu obrazložila je federalna ministrica finansija Jelka Miličević.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 31 glasom za, četiri uzdržana glasa i 11 glasova protiv usvojio Prijedlog zakona o izmjenama i dopunama Zakona o izvršavanju Budžeta Federacije Bosne i Hercegovine za 2019. godinu.

#### **5. Prijedlog zakona o pravima demobiliziranih branilaca i članova njihovih porodica - hitni postupak**

Prijedlog zakona o pravima demobiliziranih branilaca i članova njihovih porodica utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 4. Vanrednoj sjednici održanoj 16. jula 2019. godine usvojio Prijedlog zakona o pravima demobiliziranih branilaca i članova njihovih porodica u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona o pravima demobiliziranih branilaca i članova njihovih porodica obrazložio je federalni ministar za pitanja boraca i invalida odbrambeno-oslobodilačkog rata Salko Bukvarević.

U raspravi su učestvovali: Elmedin Konaković, Senad Alić, Igor Stojanović, Damir Marjanović, Aljoša Čampara, Zvonko Marić, Aner Žuljević, Jasmin Duvnjak, Ivo Tadić, Damir Džeba, Fahrudin Skopljak, Ilija Nakić, Dragan Stevanović, Ilija Ilić i predstavnik boračkih udruženja.

Na Prijedlog zakona o pravima demobiliziranih branilaca i članova njihovih porodica delegate Aner Žuljević je podnio 13 amandmana.

Nakon rasprave Salko Bukvarević je obrazložio izjašnjenje Vlade Federacije na podnesene amandmane kojim se ni jedan od amandmana ne prihvata.

Predsjedavajući je pozvao Anera Žuljevića da se izjasni o tome da li želi da se Dom naroda izjasni o amandmanima koje je uložio. Aner Žuljević je izjavio da odustaje od podnesenih amandmana.

Potom je predsjedavajući stavio na glasanje Prijedlog zakona o pravima demobiliziranih branilaca i članova njihovih porodica.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, jednoglasno, sa 41 glasom za, usvojio Prijedlog zakona o pravima demobiliziranih branilaca i članova njihovih porodica.

Nakon toga predsjedavajući je stavio na glasanje prijedlog zaključka Kluba delegata hrvatskog naroda i, na osnovu rezultata glasanja, konstatovao da je Dom naroda Parlamenta Federacije Bosne i Hercegovine, jednoglasno, sa 35 glasova za, usvojio sljedeći

## **ZAKLJUČAK**

Zadužuju se Vlada Federacije Bosne i Hercegovine i Federalno ministarstvo za pitanja boraca i invalida odbrambeno-oslobodilačkog rata da prate primjenu Zakona o pravima demobilisanih boraca i članova njihovih porodica, te da po isteku roka od 60 dana izvjesti Dom naroda Parlamenta Federacije Bosne i Hercegovine o broju i poimeničnom popisu korisnika prava iz ovog Zakona, te utrošku sredstava za njegovu provedbu.

## **6. Prijedlog zakona o izmjenama i dopuni Zakona o električnoj energiji u Federaciji Bosne i Hercegovine - hitni postupak**

Prijedlog zakona o izmjenama i dopuni Zakona o električnoj energiji u Federaciji Bosne i Hercegovine utvrdila je Vlada Federacije.

Predsjedavajući je podsjetio delegate da je Vlada Federacije u prethodnom mandatnom periodu dostavila izjašnjenje kojim je prihvatila amandman tadašnjeg poslanika u Predstavničkom domu Parlamenta Federacije Bosne i Hercegovine Dennisa Gratza na član 2. Prijedloga zakona kojim se mijenja član 73. Zakona.

Predstavnički dom Parlamenta Federacije Bosne i Hercegovine obavijestio je Dom naroda da je na 5. Vanrednoj sjednici održanoj 16. jula 2019. godine usvojio Prijedlog zakona o izmjenama i dopuni Zakona o električnoj energiji u Federaciji Bosne i Hercegovine sa amandmanom koji je Vlada Federacije prihvatila pa je postao sastavni dio Prijedloga zakona

Prijedlog zakona su razmatrala nadležna radna tijela i dostavila svoje izvještaje.

Nije bilo potrebe da predstavnik Vlade Federacije obrazloži Prijedlog zakona.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 37 glasova za i dva uzdržana glasa usvojio Prijedlog zakona o izmjenama i dopuni Zakona o električnoj energiji u Federaciji Bosne i Hercegovine.

## **7. Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini - skraćeni postupak**

Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 5. Vanrednoj sjednici održanoj 16. jula 2019. godine usvojio Prijedlog zakona o izmjenama Zakona o finansijskoj

konsolidaciji privrednih društava u Federaciji Bosne i Hercegovini u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini obrazložio je Stipo Buljan, sekretar Federalnog ministarstva energije, rudarstva i industrije.

U raspravi su učestvovali: Elmedin Konaković, Aner Žuljević i Stipo Buljan.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 35 glasova za i tri uzdržana glasa usvojio Prijedlog zakona o izmjenama Zakona o finansijskoj konsolidaciji privrednih društava u Federaciji Bosne i Hercegovini.

#### **8. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica**

Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica dostavila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 2. sjednici održanoj 10. aprila 2019. godine donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica.

Prijedlog odluke su razmatrala nadležna radna tijela i dostavila svoje izvještaje.

Nije bilo rasprave.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine jednoglasno sa 38 glasova za donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta poboljšanje energetske efikasnosti u JU Kantonalnoj bolnici Zenica.

**9. Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. godinu**

Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. godinu utvrdila je i dostavila Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda da je na 5. sjednici održanoj 16. jula 2019. godine donio Odluku o davanju saglasnosti na izmjene i dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. Godinu.

Prijedlog odluke su razmatrala nadležna radna tijela i dostavila svoje izvještaje.

U raspravi su učestvovali: Elmedin Konaković, Dragan Stevanović, Damir Marjanović, Tomislav Martinović, Aner Žuljević, direktorica Zavoda Zdravstvenog osiguranja i reosiguranja Federacije BiH, Vlatka Martinović i Vibor Handžić.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 30 glasova za i 10 uzdržanih glasova donio Odluku o davanju saglasnosti na izmjene i

dopune Finansijskog plana Zavoda zdravstvenog osiguranja i reosiguranja Federacije BiH za 2019. godinu (konsolidovani), izmjene i dopune Finansijskog plana Federalnog fonda solidarnosti za 2019. godinu (Anex I.) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije BiH za 2019. godinu.

Sjednica je završena u 20.56 sati.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Tomislav Martinović